

Alfred Völkel:

Wennich aaner aufzwiggd

Wennich aaner aufzwiggd  
wäicher meiner Schbraoch  
und freggd  
wuumer su en  
Schläng riedn doud

lossinga ärschd  
a wing raodn  
und naoch saoch ich

Zieh en Schdrich  
ver Flensburch  
af Lienz  
und en annern Schdrich  
ver Keenichsberch  
af Basl  
und en driddn  
ver Münsder  
af Wien

Dao  
wu die drei Schdrich  
sich greizn ðunn  
dao bej ich her

Neemlich dej  
dreffm sich  
zwischen  
Langabach  
Karlesgrej  
und Eberschdäim  
aneren Fäildraa  
näiber en Vuuchlbäierbaam

Und dess Fläggla  
is der Middlunggd  
ver der deidschn Schbraoch

Haa  
dao guggsda  
Brouder

Und dess wär duch  
gar nid goud  
wemmer dej Schbraoch  
aufgäim dedd

Es wär  
suuzesaong  
der Verlust der Mitte

